

Verena von Stuben und der Konvent zu Sonnenburg an NvK. Sie bitten um Absolution und erklären, warum sie am 11. September nicht vor NvK erschienen sind, um die Absolution zu empfangen. Verena werde das Kloster am 15. September verlassen.

Kopie (gleichzeitig): INNSBRUCK, TLA, Cod. 2336 p. 405. *Unter dem Text:* Ista scripta pro(duxit) Verena Stuberin cum suo conventu ipsa die jovis decima quarta mensis septembri(s) anno etc. quinquagesimo octavo presentibus Pawlo Rânttel¹⁾, Johannes Mörll²⁾, Wernherdo Czeyr, laycis Brixinensis dyocesis.

Regest: Jäger, Regesten II 169.

Aller hochwirdigster in got vatter, genädigster here, unser andichtigs gebett und willige gehorsam sein ewren gnaden czw vor an berayt. Gnädigster here, bytten wir ewr hochwirdigkayt durich got mit aller dyemütigkayt, ewr gnad well uns und unser an henger gnädigklich absolvieren nach in halttung der tåding, so beschechen ist am nachsten czw Brichsen etc.³⁾ Auch so fueg wir ewren gnaden czw wissen, was uns geirret hat, das wir nit kumen syndt auf den vergangen montag (11. September 1458), als uns dan 5 ewr gnad erfodert hett. Gnadiger here, so synd gemaynt worden, uns würt under wegen ein smachayt erbotten, das in haben wir uns besorgt.⁴⁾ Und als ewren gnaden pottschaft von uns geschayden was, haben wir von stundt ewren gnaden vicary⁵⁾ czw geschribenn, ewr gnad czw bytten, uns ettwann czw schaffen, das wir und die, die mit uns komen, auff dem weg nit gesmacht werdenn pijs czw ewren gnadenn. Der antwurt haben wir also geward und hetten unsers in der weyl czw gericht, czw ewren 10 gnaden czw kumen. Und ist unser pott von uns gangen czwischen achten und newen. Der kam umb zway her wider und saget uns, ewr gnad wår hin und sein die sachen unser halbenn ungevårlich czw gegangen.

Aber, hochwirdigster here, ich, Verena, füeg ewren gnadenn czw wissenn, das <ich> auf den nachsten freytag (15. September 1458) dato des brieffs aus dem kloster wil und der ob gemelkten tåding gancz nach cze 15 kumen. Ich, Verena, und wir vom convent und die anhenger bevelchenn uns in ewr gross machtigkayt.

Geben czw Sunneburg an des heyligen Crewcz tag Exaltacionis anno etc. lviii^o.

Verena Stuberin und der convent czw Sunneburg

5 uns²: ü.d.Z.

1) Paul Rentel, herzoglicher Hauptmann zu Sonnenburg.

2) Hans Mörll von Pfalzen, Richter zu Sonnenburg.

3) S.o. Nr. 5725.

4) Vgl. das Notariatsinstrument über diese Vorgänge; s.o. Nr. 5734.

5) Gebbard Bulach, Generalvikar des NvK.